

KERATAN: New Sabah Times
* Fail Sejarah Sabah
SAB-A0421/12

TARIKH: 15/03/2012
M/S: (18)

Program Jejak Kasih temukan keturunan Pahlawan Antanom

OLEH MARUTIN ANSIUNG
(marutin@newsabahtimes.com.my)

KETURUNAN Pahlawan Antanom yang juga dikenali dengan Ontoros yang terpisah sejak peristiwa Rundum Selangit 1915 akhirnya terungku apabila satu Program Jejak Kasih dan Hari Keluarga Besar keturunan Pahlawan Datuk Seri Panglima Antanom di Kg. Salarom Baru Nabawan pada 12 - 13 Mac lepas.

Program itu mempertemukan keturunan dan ahli-ahli keluarga pahlawan tersohor suku kaum Murut dari Daerah Sipitang, Nabawan dan Kemabong (Sabah), Limbang Sarawak dan Brunei.

Dalam program itu keturunan yang terpisah hampir satu abad itu masing-masing menjelaskan salasilah sehinggalah ke anak cucu cicit pada hari ini.

Penjelasan salasilah dimulakan dengan keturunan Antanom melalui isteri pertamanya Sunuron yang memperanakan Sunggulan, Bayur, Bait, Lantahon dan Alip kesemuanya perempuan dan Alip dikahwin oleh Suku Iban di Temburung Brunei.

Penjelasan kedua disampaikan oleh keturunan isteri Antanom yang kedua Sunsuyon yang memperanakan Apoi dan Rikut kedua-duanya juga perempuan.

Menurut Pengerusi Program Jejak Kasih dan Hari Keluarga itu Welley @ Sinawat Antaka program itu bertujuan mengesan dan menghimpunkan semula keturunan Pahlawan Antanom yang terpisah sejak sekian lama sehingga hampir-hampir keturunan yang lain tidak mengetahui di mana saudara mereka berada.

Sempena program itu pelbagai acara menarik diadakan seperti

persembahan tarian kebudayaan oleh setiap keturunan yang mewakili daerah yang terbabit dan koir yang mengisahkan kehidupan Pahlawan Antanom pada tahun 1915.

Suasana riang ria yang membayangkan kegembiraan diwajah setiap ahli keluarga yang hadir pada majlis itu menjadi senyap seketika dan diiringi dengan titisan air mata apabila koir yang berjudul "Aki Antanom" disampaikan oleh kumpulan cucu cicit aru (nenek) Apoi dan Rikut yang kini menetap di Kg. Salarom Baru Nabawan.

Selain itu majlis itu turut di

serikan dengan pertukaran cendera kenangan di antara wakil-wakil tujuh ketua keturunan Pahlawan Antanom yang bertemu pada program jejak kasih dan hari keluarga itu.

Program itu turut diisi dengan taklimat memperkasakan pendidikan keturunan Antanom yang disampaikan oleh Pengerusi Program Welley @ Sinawat Antanom yang disusuli dengan majlis dialog yang banyak berkisar kepada menentukan halahtuju pendidikan dan ekonomi keluarga besar keturunan Antanom.

Majlis yang sederhana tetapi penuh dengan makna itu turut di-



KEK TRADISIONAL ... Kelihatan wakil-wakil keturunan Antanom dari Nabawan, Kemabong dan Sipitang (Sabah), Limbang Sarawak dan Brunei sama-sama memotong kek sebagai tanda penyatuan keturunan Antanom.

NST - 15/03/12 (18)




CENDERA KENANGAN... Welly menerima cendera kenangan daripada pengerusi pelaksana program itu Gani Ansyung.

hadiri oleh kerabat Pahlawan Antanom, nenek Hawon Timpusan dan anak-anaknya termasuk Dr. Sangkar Rasam satu-satunya kerabat Pahlawan Antanom yang mendapat gelaran Doktor (Phd).

Acara kemuncak pada majlis itu adalah pemotongan kek

tradisional yang diperbuat daripada beras wangi 10 kilo, lima ekor ayam, telur ayam, kunyit, garam, bawang merah/putih, kelupis dan bahan-bahan perasa yang lain sebagai simbol penyatuan kembali keturunan Antanom yang terpisah sekian lama.



ALIP BINTI PH. ANTANOM @

GAMBAR LAMA... Nenek Alip (sudah meninggal dunia) salah seorang anak Pahlawan Atanom dengan isteri pertamanya Sunuron.

NST- 15/03/12 (18)

